

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

Articulus I. De modis, quibus cessant privilegia ex parte ipsius privilegii.

[urn:nbn:de:hbz:466:1-74152](#)

Tractatus VIII. Disp. XXXVIII. Art. I. §. I.

352
elle, quod privilegiatus non gaudeat privilegio contra fortius privilegium; quia, ut adverit Palao n. 3. fortius privilegium subintelligitur exceptum in opposito debiliore; unde nec proprie sunt opposita.

II. Quæres sextio. An, ut possit agere contra particulae præceptum alicuius loci, sufficiat ut habeas privilegium dispensationis à Principe superiore, vel lupo? v. g. an, ut excusari à particulae jejuniu Diocesano ab Episcopo indicato, aut introducto, sufficiat privilegium simpliciter non jejunandi, imperatur à Summo Pontifice? Videri potest, quod non: quia ut antecedenter dictum, non præsumitur per generalem privilegii concessionem voluisse supremus Princeps derogare legi particulari, nisi exprimat. Nihilominus censio cum Salmanticensibus, & Salas de Leg. disp. 17. fest. 10. n. 56: Habentem à summo Pontifice privilegium absolutum non jejunandi, etiam non teneri ad jejuniu diocesana: quia non præsumitur in ejusmodi præcepto Episcoporum voluisse fortiori obligationem inducere, quam sit illa, qua ab ipsis Apostolis est derivata.

ta & accepta: sed præceptum non jejunandi in Quadragesima, & feriis sexis est ab ipsis postoli acceptum & derivatum: ergo cum per absolum privilegium non jejunandi aliqui à tam urgenti & sacra obligatione sit solitus, merito etiam ab Episcopali lege absolutus à fortiori cen-

tic. Non præsumi, quod in generali concessione dispensemur in lege vel præcepto particulae, quando materia præcepti particulari non frequentur solet cadere sub iure communis: atque materia jejunii majori ex parte cadit sub iure communis, & quidem sub fortiori & securiori obligatione: adedque facta dispensatione circa materiam jejunii absolutè, circa jejunium quadragesimale, Vigiliarum, 4. temporum, &c. censetur eriam facta circa jejunium particulae, nisi forte tale jejunium in calu extraordinario & causâ publici boni, avertende calamitatis, &c. sit introductum; ad quem casum mensum Pontificis sese extendere utique non præsumitur,

DISPUTATIO XXXVIII. DE

Cessatione privilegiorum.

Privilegia variis modis cessare & amitti possunt, quorum aliqui considerantur ex parte ipsius privilegii, ut est tempus, conditio, & causa finalis ipsius: alii ex parte concedentis, ut est mors, & revocatio concedentis: alii ex parte privilegiati, quales sunt, non usus, abusus, renuntiatio. Nunc de singulis agendum.

ARTICULUS I.

De modis, quibus cessant privilegia ex parte ipsius privilegii.

SUMMARIA.

1. Privilegium exspirat post prescriptum temporis terminum.
2. Privilegium in materia favorabili non finitur uno actu.
3. Finitur in materia odiosa.
4. Privilegium conditionatum cessat ablatâ conditione.
5. Deficiente causa finali ante privilegium integrum concessum, cessat privilegium.
6. Sufficit causam existere tempore concessionis, quando solo concedentis actu perficitur.
7. Cessat privilegium, cum ipsis usus sit illicitus.
8. Cum privilegium in executione pendet a mandatario, causa debet existere etiam tempore executionis.
9. Suspenditur privilegium cessante causa, qua habet aliquem temporis tractum.
10. Nisi cum causa ex sua natura stabiliter inheret.

§. I. Lapsus temporis.

I. Cum privilegium dependeat ab intentione & voluntate concedentis, certum est, exspirare

privilegium, quando ex verbis ipsis sufficienter colligitur, illud pro determinato tempore, quod nunc præterit, fuisse concessum. Igitur

Quæritur primò. An privilegium sine clausula ad certum tempus limitante concessum (quales sunt, pro hac vice, semel in vita, in anno, in mortis articulo, &c.) lapsu temporis vel unico actu exspiret?

Respondeo primò. Privilegium absolutè concessum non finitur uno actu in materia favorabili, nisi ex circumstantiis & materia subiecta aliud inferatur, quia est favor Principis, qui amplam exigit interpretationem, & comparatur liberali donationi, que suâpte naturâ perennat. Ideo dispensatus ad obtinendum beneficium, potest uno dimisslo aliud acquirere; dispensatus in voto castitatis potest mortuâ conjugé alias dicere, dispensatus in recitatione Breviaril, in ieiunio &c. semper potest uti dispensatione &c.

Dixi primò; in materia favorabili: nam excipiuntur dispensations in materiis odiosis, ut restringuntur ad unum & primum agum, ut mandat Felinus in c. 2. de irenga & paci. Unde secunda

ritas veniendi bannito data intelligenda est pro prima vice ex Bartol. in l. 1. ff. ad Legem Jul. Dispensatio ad duo beneficia curata intelligitur de duobus primis. ex c. nam potest. §. 1. de probend. in 6.

Dixi secundò: nisi ex circumstantiis, &c. nam aliquando datur dispensatio pro uno solum actu, ut si quis perierit dispensatioem in voto castitatis ad contrahendum matrimonium cum focmina à se deflorata, illa mortua non potest aliam ducere; siquidem illa determinata persona pertinet ad causam finalem privilegii. Item, dispensatus ad contrahendum cum consanguinea, tam censetur dispensatus pro una.

4. Respondeo secundò. Privilegium conditionatè concessum, sublatâ conditione cessat: quia hac est natura omnis concessionis, gratia, donationis, obligationis. Ubi tamen advertas velim, conditionem triplici modo habere se posse. Primo ex parte ipsius concessionis, ut si Princeps dicat: *Concedo tibi privilegium, si Episcopus consenserit;* quo modo privilegium à conditione & consensu Episcopi dependet in fieri, non autem in conservari: unde si Episcopus primitus non consenserit, nullum erit privilegium: si vero consenserit, perennabit privilegium, etiam Episcopus ex postfacto dissentiat. Secundo ex parte ipsius privilegii, ut si dicat: *Concedo tibi privilegium, quamdiu Episcopus consenserit;* quo causa privilegium dependet a conditione tam in fieri, quam in conservari: ita ut, quandocunque Episcopus dissentierit, etiam privilegium expiret. Tertio conditio potest pertinere ad solum usum privilegii, ut si Pontifex dicat: *Concedo tibi facultatem sub myra celebrandi, consente Episcopo;* vel quories Episcopus consenserit: & tunc deficientie conditione non deficit privilegium quod substantiam, sed tantum quod usum & exercitium, qui usus suspenditur, quoque conditio & consensus reperatur. Salmant. tr. 18. c. 2. n. 4.

§. II.

*Quando cessante causa finali cessat
privilegium?*

5. **S**ermo est non de causa quacunque impulsiva, sed de causa finali & motiva, quā Princeps moveret ad tribuendum privilegium. Ubi

Certum est primò apud DD. si, antequam privilegium integrè sit concessionem, totaliter cessat causa finalis, privilegium non subsistere: actus enim non operantur ultra intentionem agentium: cum igitur privilegiantis vel dispensantis intentio sit dare privilegium propter hanc determinatam causam, si illa deficit, etiam deficit intentione, & consequenter concessio privilegii.

6. Certum est secundò. Si privilegium vel dispensatio perficiatur, & servatur effectum solo actu concedentis, ita, ut nullum habeat, aut requirat successivum tractum temporis, sufficere, quod causa existat tempore ipsius concessionis, ut sit, cum summ. Pontifex dispensat in voto, excommunicatione, irregularitate, &c. Unde tamen ex postfacto muretur rerum status, non tamen reddit obligatio voti, irregularitas, excommunicatione, &c. prout docet Menoch. l. 4. de

præsumpt. 189. n. 197. cum Suarez, Sanchez, Palao, & communi, conformiter ad regulam Juris in 6: *Factum legitimè, retractari non debere, licet casus postea eveniat, quo non potuerit inchoari.*

Certum est tertio. Quandocunque per cessationem causæ finalis, aut mutationem circumstantiarum ulius privilegii sit illicitus, toties usum privilegii amitti vel suspensi, donec iterum fiat licitus: quia non potest dari privilegium ad illicitum.

Queritur ergo primò. An, si privilegium, §. vel dispensatio ex sola Principis voluntate non integrum fortia effectum, sed pendat ab executione, Ordinario aut Confessario commissa, sufficiat causam extitisse, quando privilegium vel dispensatio fuit impetrata, quantumvis tempore executionis non amplius existat? Respondeo. In hoc casu probabilius requiritur ad valorem privilegii, ut causa existat, non solum quando conceditur, & v. g. Romæ dispensatio ad matrimonium contrahendum impetratur, sed etiam quando expeditur Confessario, vel Ordinario: quia ante executionem nondum est propriæ dispensatio, sed mandatarum dispensandi: atque mandatum cessat, cessante causâ finali ex c. si panper. de probend. in 6. Major colligunt ex ipsis verbis induiti, quia ita ponunt: *Si preces veritati nitantur, cum illo dispense.* Ita Covarr.

4. Decret. 2. p. c. 6. §. 9. Sanchez. l. 8. disp. 30. n. 12. Palao p. 15. n. 2. Reding n. 12. aliisque.

Queres secundò. An cessante causa cesset privilegium, quando usus & causa privilegii requirunt successivum temporis tractum?

Notandum. Materiam privilegii, vel dispensationis aliquando esse individuam, quæ nullum requirit tractum temporis, ut si dispensetur ad contrahendum matrimonium propter legitimationem prolixi; aliquando vero esse dividuam, h. e. quod causa & usus privilegii non simul existat, sed secundum diversas & successivas partes temporis, ut si dispensetur in recitatione Breviarii propter nimias occupationes, in observantia jejunii propter periculum infirmitatis; tam causa dispensandi, quæ sunt nimia occupationes, & periculum infirmitatis, quam materia nempe recitatione Breviarii, observatio jejunii, successio plurius dierum, hebdomadarum, mensium, &c. admittunt. Quo posito

Respondeo. Privilegium aut dispensatio ex causa, & in materia dividua, quæ non integrè existit tempore concessionis, regulariter cessat, vel suspenditur, cessante causa, unde dispensatus in jejuno propter periculum infirmitatis, cessante illo periculo tenetur ad jejunandum, donec illud periculum redeat. Et ratio est: quia Princeps non præsumitur largius indulgere privilegium, nisi quantum est necessarium ad obtinendum finem propter quem petitur: sed finis cessante non est amplius necessarium privilegium ad illum finem, uti patet ex terminis. Sed neque ad dispensandum in jejuno pro hoc mente moveatur Princeps à morbo dubio alterius sequentis, sed hujus mensis praesentis, unde si sequenti mense cesset periculum morbi, ad illum mensum intentio dispensantis non extenditur. Ita Palao cit. n. 6. Reding n. 11.

Dixi,

Tract. VIII. Disp. XXXVIII. Artic. II. §. I.

354

10. Dixi, regulariter: nam si causa concedendi privilegium, per se loquendo radicatur in communi hominum conditione, aut ex ejus suspensione nasci potest incommodum moraliter æquale illi, quod per privilegium evitari intenditur, tunc privilegium non cessat, cessante causa, tametsi illa tractum temporis admittat: ideo cessante periculo & tentatione incontinentia,

non tamen cessat dispensatio obtenta ad matrimoniū contrahendum proper periculum incontinentia; quia periculum per se loquendo est stabile, ejusque cessatio per accidentem evenit. Dispensans autem censetur intentionem suam conformare causas stabili, & juxta statum, quem per se loquendo & in pluribus obtinere solet, ita cum Haunoldo Magnif. P. Petzschacher a. 7. §. 4.

ARTICULUS II.

De modis, quibus cessant privilegia ex parte concedentis.

S U M M A R I A.

1. Gratia dividitur in factam & faciendam.
2. Gratia tota consistens in concessione acta, est facta.
3. Item gratia consistens in concessione facultatis in favorem tertii indeterminate.
4. Si determinate, est gratia facienda.
5. Gratia facta illimitata non expirat morte concedentis; expirat facta limitata.
6. Sententia opposita probabiliter defenditur.
7. Gratia directe data privilegiato est gratia facta, et si requirat cooperationem delegari.
8. Ad gratiam factam non requiriur acceptatio.
9. Privilegium cum clausula ad beneplacitum, probabiliter expirat morte concedentis.
10. Parvissimenter sentendum de expiratione privilegii per mortem, & cessationem jurisdictionis.
11. Privilegium concessum ad annum non expirat per mortem privilegiantis intra annum.
12. Privilegium gratuito delegativum alicuius actus revocari potest sine causa validè, sed non licite.
13. Privilegium concessivum alicuius juris, vel domini sine causa validè non revocatur.
14. Privilegium onerosum & remunerativum sine causa validè non revocantur.
15. Dispensationes ad contrahendum matrimonium in gradibus prohibitis ad revocationem requirunt causam & compensationem.
16. Inferior sine causa invalide revocat dispensationem in lege Superioris.
17. Nec potest Superior valide revocare privilegium ab inferiori concessum.
18. Ad expressam revocationem absolute sufficit clausula generalis.
19. Varia exceptiones.
20. Revocatio privilegii requirit publicationem.

§. I.

Quomodo cessent privilegia per mortem privilegiantis?

¶ N orandum. Privilegium seu gratiam, distinguunt in factam, hoc est, completam, & in faciendam hoc est inchoatam, sed nondum completam; item aliam esse gratiam, quæ illum solum concernit, cui conferatur; aliam esse, quæ etiam concernit tertium, in cuius favorem conferatur. Primi generis est, v. g. dispensatio alicui facta iajunio, voto, eligendo Confessario &c. Secundi generis concessio facultatis, ad alium dispensandum, absolvendum, &c.

Quæres igitur primò. Quandonam censetur debet gratia facta, vel facienda? Respondeo primò. Gratia privilegii tota consistens in prima concessione, ut est dispensatio in voto, in lege jejunii &c. & non in concessione alicuius facultatis, neque cum respectu ad tertium est gratia facta. Ita communis DD. apud Suarez l. 8. c. 4. Laymanni l. 1. trac. 4. c. 23. aliasque.

Respondeo secundò. Gratia privilegii consistens in concessione facultatis exercenda in favorem tertii indefinite, & sine determinatione certæ personæ, est gratia facta, ita pariter communis DD. in c. si cui de probandis in 6. Et ratio est: quando alicui conceditur, & delegatur facultas, ut illa libere uti possit erga quemque voluntate, gratia primariò fit ipsi delegato, adeoque est gratia facta; sed ita se res habet in presenti; ergo est gratia facta.

Respondeo tertio. Ex opposto, si facultas delegata sit in favorem determinata & nominata personæ, sive sit liberè, sive necessariè, & cum obligatione exercenda, non est gratia facta, sed facienda. Ratio est: quod tunc favor non habet ipsi delegato, sed determinata & designata personæ, respectu cujus primum deberin adducit, & ita colligitur ex cap. si cui citat, & mutando.

Quæres secundò. Quænam ex his gratiis ex priviliis exspiret morte concedentis?

Respondeo. Privilegium & gratia jam factum illimitatè, non expirat morte concedentis, tametsi res sit integra: expirat vero gratia facta, si res sit integra, hoc est, si gratia nondum sit in exercitum deducta, vel applicata tertio personæ. Ita Suar. Haunold, Petzschacher, & liique.

Prima pars habetur in c. si super gratia, defensa & pot. Jud. delegati, in c. ibi, siue ipsa gratia (habetur non nondum sit in ejus executione processum) morte non perimitur concedentis. Utique vero non habetur expressa in c. si cui de probandis in 6. habente: Si cui [nulla facta personarum expressione] sit gratia concessio facultas, ut autoritate Apostolica possit aliquibus personis idoneis in certa Ecclesia providere, vel beneficia [quorum collatum est ad sedem Apostolicam legitime devoluta] conservare &c. non expirat etiam reintera per obitum concedentis. Causa additur: quia bisignatus concessio, cum speciale gratiam continet, datur esse mansuram. Subjungitur: Secundum si super prævisione certa persona facienda sit data poena &c.